



Saksframlegg

Sakshandsamar:	Løn, personal og organisasjon			Øystein Aadland	
Avgjerslemynde:		Arkivnr.:	21/1459	Klassering:	

Orientering om streik 2021

Rådmannen sitt framlegg til vedtak:
ADMU tar saka til orientering

Saksopplysningar:

Året 2021 er mellomoppgjer i tariffperioden og partane skal forhandle om lønstillegg for tilsette i kapittel 4 i Hovudtariffavtalen. Forhandlingane skjer mellom sentrale forhandlingssamanslutningar med KS på arbeidsgiversiden og LO kommune, YS kommune, Akademikerne og Unio frå arbeidstakarorganisasjonane. KS og tre av dei fire forhandlingssamanslutningane godtok forslaget frå Riksmekleren. Unio valte å sei nei. Det fører med at det vil være 7390 personar i streik i 13 kommunar og 9 fylkeskommunar frå torsdag 27. mai.

Bakgrunn

Forhandlingssamanslutningane sentralt forhandlar om tariffavtale anna kvart år. Tariffavtalen varer i 2 år om gangen. Når tariffavtalen har vart i 1 år forhandlar partane om lønstillegg. Forhandlingane blir omtala som mellomoppgjer. Året 2021 er det mellomoppgjer i kommunesektoren. Det blei brot i forhandlingane mellom KS og alle forhandlingssamanslutningane 30. april 2021 og oppgjeret gjekk derfor til meking. Meklingsfristen var 26. mai kl 24.00 og ein eventuell streik kunne tidlegast tre i kraft frå 27. mai 2021.

Osterøy kommune fekk ikkje melding varsel om uttak til streik i første uttak gjeldande frå 27. mai. Fagforbundet meldte uttak til streik for sine medlemmer i andre uttak i Osterøy kommune med verknad frå 01. juni 2021. Varaset gjaldt for 27 tilsette. Varaset var delt mellom einingane

- Økonomi
- Teknisk forvaltning
- Stab støtte og utvikling
- Reinhald
- Osterøy ungdomsskule
- Lonevåg barnehage
- Kommunale bygg
- HR
- Administrasjon i Helse omsorg og sosial

Etter fem timer meking på overtid 27.mai 2021 blei det klart at KS og tre av dei fire forhandlingssamanslutningane godtok forslaget frå Riksmekler. Unio valte å sei nei. Det fører med at det vil være 7390 personar i streik i 13 kommunar og 9 fylkeskommunar frå torsdag 27. mai.

Osterøy kommune er ikkje omfatta av streikeuttaket frå Unio i første uttak. På noverande tidspunkt har kommunen ikkje varsel om uttak til streik i andre fase frå Unio. Varsel om uttak til streik frå Fagforbundet er ikkje lenger gyldig ettersom LO kommune har godtatt forslaget frå Riksmekler.

Osterøy kommune kan likevel få varsel om uttak til streik dersom fleire medlemmer frå Unio blir tatt ut i streik på eit seinare tidspunkt i streiken.

I Riksmekleren sitt forslag blei det gitt ein kombinasjon av sentrale tillegg og avsetjing av pott til lokale lønsforhandlingar. Dei sentrale tilleggane blir gitt med verknad frå 01.05.2021 for alle tilsette i kapittel 4. Tilleggane varierer med ansiennitet og stillingsgruppe frå kr. 10.000,- for tilsette i stillingar utan særskilt krav til utdanning med 0 års ansiennitet, og opp til eit sentralt lønstillegg på kr. 22.000,- for lektor med tilleggsutdanning med 16 års ansiennitet eller meir. I tillegg er det satt av ein lokal pott på 1,0 prosent pr. 1 oktober 20121, som kan gi eit raust tillegg på toppen av dei sentrale tilleggane.

Riksmekleren sitt forslag til løysing er vedlagt saka.

Vurdering

Kommunen skal ha lokal beredskapsplan ved eventuell streik mellom partane. Kommunen har utarbeidd ein overordna beredskapsplan ved streik og kvar eining skal utarbeide lokal beredskapsplan for korleis dei skal klare å halde drifta i gang ved ein eventuell streik. Rådmannen sin leiargruppe og Ordførar er beredskapsgruppe som handterer og koordinerer ein eventuell streik i organisasjonen.

Beredskapsplan er vedlagt saka.

Kommunen er førebudd på korleis dei skal handtere ei potensiell streik men er sårbare grunna auka sjukefråvær og få tilsette i nokre einingar med nøkkelpersonell. Ein streik vil få konsekvensar for tilbodet i Osterøy kommune.

Konklusjon

Osterøy kommune er ikkje tatt ut i streik i første uttak. Kommunen vil likevel kunne bli tatt ut i ei opptrapping av streiken. Organisasjonen har utarbeidd beredskapsplan og er førebudd på å handtere ei eventuell streik.

Når alle partane har akseptert eit tilbod skal resultatet til uravstemming i kommuane og forhandlingssamanslutningane på arbeidstakersiden.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

STREIK-Forholdsregler 2021 - Osterøy kommune ADMU versjon	303371	27.05.2021
Meklerens-forslag-270521	303372	27.05.2021